

KONTRATË THEMELIMI E SHOQËRISË

“Malaj & Associates Law Firm”

Sot më 05-10.2020 Anëtarët Themelues:

1. Z. Alaudin Malaj, i biri i Hasan, i dtëlindjes 10.03.1971, lindur në Fier dhe banues në Tiranë, identifikuar me ID me nr. personal H10310247U, madhor, me zotësi të plotë për të vepruar.
2. Znj. Ina Serjanaj, e bija e Agim, e datëlindjes 29.10.1990, lindur dhe banuese në Tiranë, e identifikuar me ID me nr. personal J06029051C.

Të dy së bashku me vullnetin e tyre të lirë dhe të plotë, të shprehur nëpërmjet kësaj kontrate themelimi, ranë dakort për krijimin e shoqërisë së thjeshtë *“Malaj & Associates Law Firm”* me kushtet e mëposhtme.

Të dy së bashku, bazuar në vullnetin e tyre të lirë dhe në përputhje me Kodin Civil kanë hartuar si më poshtë vijon kontratën e themelimit të shoqërisë *“Malaj & Associates Law Firm”*, të cilën e kanë themeluar në bazë të kësaj kontrate.

DISPOZITA TË PËRGJITHSHME

Ky akt rregullon pozitën juridike të shoqërisë, marrëdhëniet e themeluesve, të organeve të saj, llojin e partneritetit, kohëzgjatjen e veprimtarisë së saj, duke u bazuar në legjislacionin shqiptar në fuqi që rregullon marrëdhëniet juridiko-civile.

NENI 1

Shoqëria **“Malaj & Associates Law Firm”** themelohet si shoqëri e thjeshtë, bazuar në dispozitat 1074-1112 të Kodit Civil të Republikës së Shqipërisë.

Shoqëria e thjeshtë është person juridik privat.

Selia e saj ndodhet në adresën Bulevardi “Dëshmorët e Kombit”, Kullat Binjake, Kulla 1, Kati i 4, zyra 9, Tiranë, Shqipëri.

NENI 2

Veprimtaria e shoqërisë bazohet në standartet e kësaj Kontrate Themelimi, Statutit të Shoqërisë si dhe legjislacionit shqiptar në fuqi.

Themeluesit e saj mbajnë përgjegjësi vetëm për detyrimet që krijon Shoqëria e Thjeshtë.

NENI 3

Kapitali themeltar i shoqërisë është i përbërë nga kontributi i anëtarëve themelues në vlerën 1000 (një mijë) lekë.

Kapitali themeltar është investuar nga anëtarët themelues në këtë mënyrë:

1. Z. Alaudin Malaj në masën 90% të vlerës së kapitalit themeltar.
2. Znj. Ina Serjanaj në masën 10% të vlerës së kapitalit themeltar.

Vlerësimi i kapitalit themeltar është bërë nga anëtarët themelues me rastin e themelimit të kësaj shoqërie dhe nënshkrimit të kësaj kontrate themelimi, dhe është nënshkruar prej tyre.

NENI 4

Shoqëria ka depozituar pranë OTP Bank sh.a., në Tiranë. Kapitalin në të holla, i cili depozitohet në llogarinë e Shoqërisë së Thjeshtë "Malaj & Associates Law Firm" (në krijim e sipër) në datën e nënshkrimit të kësaj kontrate themelimi.


Për regjistrimin e shoqërisë të thjeshtë kjo shumë do të depozitohet në llogarinë e shoqërisë së re pranë të njejtës Bankë.

NENI 5

OBJEKTI I VEPRIMTARISË

Shoqëria e thjeshtë do të ketë si objekt të veprimtarisë së saj:

- Ofrimin e shërbimeve avokatore, duke përfshirë por pa u kufizuar në: Përfaqësim në procesin penal, civil, administrativ, ose të ndonjë natyre tjetër që mund të mos përfshihet në këto tri kategori, në çdo shkallë të gjyqësorit, brenda ose jashtë vendit, pranë gjykatave ndërkombëtare ose çdo organizmi tjetër, pranë të cilit Republika e Shqipërisë ka aderuar, si dhe përfaqësimin në procedurat e ndërmjetësimit ose të arbitrazhit.
- Dhënie ndihme juridike e ndërmjetësime për zgjidhje juridike me mirëkuptim e jashtëgjyqësisht të konflikteve të natyrave të ndryshme.
- Dhënie ndihme juridike për negocimin, hartimin, lidhjen dhe zbatimin e kontratave civile, tregtare, administrative, dhe për veprime të tjera juridike.
- Ofrimin e çdo lloj konsulence te personat fizikë dhe juridikë, vendas dhe të huaj, publikë dhe/ose privatë si shoqëri tregtare, organizma tregtarë qeveritarë, organizatat jo fitimprurëse, fondacionet, institucionet shtetërore, ministritë, departamentet qeveritare dhe autoritetet publike dhe në veçanti konsulencë në lidhje me çështjet organizative, administrimin e biznesit, menaxhimin, marketingun, konsulencë për taksat dhe tatimet si dhe planifikimin e përgjithshëm të tyre, burimet njerëzore dhe konsulencë e përgjithshme për shoqëritë që veprojnë në sektorët e biznesit dhe të industrisë brenda kufizimeve të parashikuara në ligj.



- Vlerësimin e zhvillimeve të tregut brenda dhe jashtë territorit të Republikës së Shqipërisë si dhe ofrimin e shërbimeve të përshtatshme të informimit për personat juridikë dhe fizikë të interesuar, vendas dhe të huaj, ashtu siç mund të kërkohet prej tyre.
- Konsulencë për administrimin, shitblerjen, dhënie me qira të pasurive të luajtshme dhe të paluajtshme, të veprave civile, tregtsre, industriale, publike apo private duke përfshirë por pa u kufizuar në: ndërmjetësim për kryerjen e veprimeve të mësipërme midis personave juridikë privatë apo publikë, vendas apo të huaj dhe personave fizikë, marketing, ekspertizë shitje, menaxhim prone.
- Kryerjen e çdo lloj aktiviteti tjetër që ka lidhje të drejtpërdrejtë ose jo me përmbushjen e objektit të sipërpërmendur të shoqërisë.

NENI 6

Shoqëria e thjeshtë do të ushtrojë aktivitetin me një afat kohor të pakufizuar në kohë. Veprimtaria e shoqërisë do të fillojë menjëherë pas regjistrimit të Shoqërisë së Thjeshtë "Malaj & Associates Law Firm" në Qendrën Kombëtare të Biznesit.

NENI 7

Fitimi i realizuar do të shpërndahet midis anëtarëve themelues. Fitimi është lirisht i transferueshëm brenda dhe jashtë shtetit shqiptar.

NENI 8

Anëtarët themelues kanë këto detyrime:

- Të regjistrojnë shoqërinë pranë QKB.
- Të derdhin kapitalin e nevojshëm për fillimin e aktivitetit të shoqërisë.
- Të sigurojnë mjediset e nevojshme për fillimin e aktivitetit, infrastrukturën e nevojshme, etj.
- Të sigurojnë kushtet për specializimin e pandërprerë të personelit ndihmës, të asistentëve, gjithnjë në funksion të rritjes së nivelit dhe cilësisë së veprimtarisë së ushtruar nga ana e shoqërisë.
- Të menaxhojnë marketingun dhe reklamën nëpërmjet mjeteve të ndryshme të informacionit.

NENI 9

Organet drejtuese të shoqërisë janë:

1. Asambleja e Anëtarëve.
2. Administratorët e Shoqërisë.

Mënyra e veprimtarisë së tyre është përcaktuar në Statutin e shoqërisë.




Personi i mëposhtëm emërohet administrator i shoqërisë për një periudhë 3 vjeçare, me të drejtë riemërimi:

Znj. Ina Serjanaj, e bija e Agim, e datëlindjes 29.10.1990, lindur dhe banuese në Tiranë, e identifikur me ID me nr. personal J06029051C.

NENI 10

Anëtarët Themelues si dhe të gjithë anëtarët që do të pranohen si të tillë pranë shoqërisë duke përfshirë edhe bashkëpunëtorët e saj, detyrohen të ruajnë sekretin e themelimit dhe të veprimtarisë së shoqërisë.

Të punësuarit dhe të ngarkuarit me menaxhimin e shoqërisë mbajnë përgjegjësi dhe detyrohen që të zhdëmtojnë shoqërinë për dëmet që i janë shkaktuar për faj të tyre gjatë ushtrimit të veprimtarisë së tyre.

NENI 11

Në rast të lindjes së mosmarrëveshjeve për këtë akt themelimi, do të zgjidhen nga vetë anëtarët themelues me mirëkuptim dhe kur kjo nuk arrihet, ato do të zgjidhen nga gjykata kompetente.


Gjykata kompetente për zgjidhjen e mosmarrëveshjeve është Gjykata e Rrethit Gjyqësor Tiranë.

NENI 12

Kontrata pasi u lexua ng Anëtarët Themelues u nënshkrua prej tyre.

ANËTARËT THEMELUES

ALAUDIN MALAJ



INA SERJANAJ

